

Фикҳ дарслари (58-дарс). Ҳиндистон Ислом фиқҳи Академияси



14:05 / 07.11.2019 5435

Академиянинг таъсис санаси: 1989 йил.

Ўрни: Нью-Делҳи, Ҳиндистон.

Бош муассис: Марҳум қози Мужоҳид Ислом Қосимий.

Академия бош котиби: Шайх Холид Сайфуллоҳ Роҳманий.

Академиянинг умумий мақсадлари

- Исломий фикҳга аҳамият бериш;
- Замонавий муаммоларда жамоавий ижтиҳод;
- Янгича муаммоларга шаръий ечим;
- Йўналишни давом эттирувчи ёшларни тарбиялаш.

Долзарб масалалар

Ҳиндистон Ислом Фикҳи Академияси ташкил этилганидан бери қуйидаги долзарб масалаларни амалга оширишни ўзига мақсад қилиб олган:

1. Иқтисодий, ижтимоий, сиёсий, саноат каби соҳалардан келиб чиққан муаммоларни Қуръон, суннат, саҳобалар фикри ва салаф уламолари

сўзлари асосида ҳал қилиш.

2. Замонавий аср янгиликларига ечим топиш, ҳолат ўзгариб қолса, ижтимоий тадқиқ йўлидан бориб, исломий фикҳ усуллари соясида қадимий муаммоларга солиштириб, ўша ишни қайтадан кўриш.

3. Исломий фикҳ манбалари, қоидалари, умумий тушунчалари ва фикҳий назарияларнинг шарҳи, таъвили ва татбиғини йўлга қўйиш.

4. Исломий фикҳ ва унинг шарҳини асримиз услубида тақдим қилиш.

5. Фикҳ мавзуларини асримиз талаб ва эҳтиёжларига қараб ўрганиш.

6. Янги муаммоларда ишончли диний муассаса ёки муҳаққиқ уламолар фикр билдирган фатволарни қўлга киритиш, сўнгра ўша фатволарни мусулмонлар оммаси орасида тарқатиш.

7. Жамики фикҳий муассасалар ва Ҳиндистон ичкараси ва ташқарисидаги бошқа тадқиқотчилар билан алоқани тиклаш, илмий маълумотларни айирбошлаш.

8. Фикҳий мавзуларда турли қомусларни тайёрлаш.

9. Уламолар ва ишончли муассасалар томонидан ишлаб чиқилган фатволарни танлаб, уни асримиз услубида намойиш қилиб, бу билан маънавий меросимизни сақлаб, келгуси авлодларга фойдани умумийлаштириш.

10. Иқтисодий, ижтимоий ва тиббиёт ишларида пайдо бўлган муаммоларни бартараф қилиш ҳамда ҳар турли ўлка, муҳитларни ўрганиш ва Ҳиндистон ичида ёки ташқарисида маърифий ишларни олиб бориш, тадқиқ этилган натижалардан одамларни огоҳ этиш.

11. Исломий қонунлар татбиғини ҳинд маҳкамалари ёки унинг ташқарисида содир бўлаётган ҳукмларда намойиш этиш.

12. Ислом қонунларига мустаҳриқлар (шарқшунослар) ёки бошқа кимсалар томонидан билдирилаётган шубҳаларни бартараф қилиб, саҳиҳ фикрларни тарқатиш.

13. Исломга қарши йўналтирилган янгича саволларга асримизга мувофиқ келадиган услубда раддиялар қайтариш.

14. Қобилиятли ёш уламоларни шижоатлантириб, тадқиқот ва изланишлар учун уларни тарбиялаб, уламоларни битта марказга боғлаш.

15. Диний мадрасалардаги кучли устозлар ва замонавий университетни битирувчи ақлли кишиларимизнинг фиқҳий ва диний асосларини асримиздаги зарурий, асосий илмлар билан бойитиб, уларга лозим бўлган аҳамиятни қаратиш.

16. Мазкур мақсадларни амалга ошириш учун ҳалқалар, йиғинлар ва имконият кўтарганича илмий муассасаларни барпо қилиб, тадқиқот ҳайъатларини ташкил этиш.

«Фиқҳий йўналишлар ва китоблар» китобидан